

續脩臺灣府志

地 320
134.39
- 11-14



續脩臺灣府志序



地志之作昉於九州土訓
誦訓之所傳小史外史之
所掌今不可見惟職方所
載詳其山川藪浸及男女
穀畜之數猶可稽尋後世
沿之於是有寰宇之記郡

國之書然東西南朔在聲
教之內則一切建置沿革
是非得失之故往往文獻
足徵據以成書其取材也
富斯其攷核也不虞其不
精若聞之臺灣則異是其
地孤懸海外澎湖之名僅

見隋史有明之季始爲荷
蘭傳泊互市之所繼爲鄭
逆所踞文物未通於上國
者蓋數千百年而士大夫
留心勝槩者亦未由流憇
是邦纂述以備記載我
朝一德同風之治淪浹無外

康熙癸亥歲地入版圖休
養生聚迄今九十餘年不
惟富庶之規與中土埒而
詩書絃誦所陶澤亦彬彬
乎與諸夏爭後先予以乾
隆庚辰來守茲郡詢省舊
聞得康熙間見宗高公所

爲志及其後副使劉君補
葺之書而患其未備乃參
覈新舊諸志於簿書餘晷
搏摭羣籍博訪故老暨身
所經履山川夷隘之處傳
聞同異之由心維手識薈
萃成編始封域訖藝文爲

類十二爲卷二十有六非
敢侈聞見之奇也良以狂
榛味嚙之區今躋於久道
化成子適獲導揚邳治以
備蘭臺之儲輜軒之採且
使守茲土者有所奉以諮
覽庶幾周悉其地域廣輪

人民畜產以脩其教而齊
其政不亦爲厚幸乎迺三
載報政旋膺觀察之任繼
而晉陳臬事

內召司寇雖於鯢身鹿耳之險
亦嘗端斧鉞以靖蜃氛而
周遭還往八歷重洋是書

率因循而未付梓今復奉
聖天子赫聲濯靈建牙於榕陰
荔圃之中回首渤澥舊遊
宛然如昨而驚飈不扇番
社羣嬉鱗集之儔喁喁然
酌醴泉而溯永風予亦遂
得藉是退食從容手此一

編以溯洄於竹城赤嵌閣
也爰是復加校閱授剞劂
氏而誌其顛末如左覽者
得毋謂予於斯地固有夙
因者歟然

聖澤所濡日新月異後之君子
據是編而增飾鴻模揄揚

盛美於以補職方所缺畧
是又予區區之志也夫

賜進士兵部侍郎兼都察院右
副都御史巡撫福建等處
地方提督軍務兼理糧餉
前知臺灣府事古越余文

儀譔



續脩臺灣府志目錄

卷首

舊序

原志姓氏

舊志姓氏

重脩姓氏

續脩姓氏

凡例

臺灣府總圖

臺灣縣圖

鳳山縣圖

臺灣府志

卷首

目錄

諸羅縣圖

彰化縣圖

淡防廳圖

澎湖廳圖

臺灣府八景圖

卷一

封域

星野

建置

山川

形勝

卷二

規制

城池

公署

倉庫

坊里

番社

街市

卷三

職官

官制

官秩

列傳

橋梁

水利

海防

郵傳

郵政

義塚

卷四

賦役一

土田 租賦

卷五

賦役二

戶口 鹽課 水餉 陸餉

卷六

賦役三

存留經費 養廉 官莊

卷七

典禮

慶賀 接詔 迎春 耕藉 祭社稷
救護 鄉飲酒 鄉約 祠祀

卷八

學校

學官 書院 社學 學田 土番社學

卷九

臺灣府志

卷首

目錄

二

武備一

營制 營署 恤賞

卷十

武備二

武職

卷十一

武備三

列傳 義民 船政

卷十二

人物

科目 鄉貢 例貢 武進士 武舉
列傳 列女 流寓

卷十三

風俗一

習尚 歲時 氣候 潮信 風信 占驗

卷十四

風俗二

番社風俗一

卷十五

風俗三 番社風俗二

卷十六

風俗四 番語 番曲 番俗通考

卷十七

物產一 五穀 蔬菜 貨幣 金石

卷十八

物產二 草木 鳥獸 蟲魚

卷十九

雜記 樓堞 園亭 寺廟 墳墓 菑祥 雜著

卷二十

臺灣府志

卷首

目錄

三

藝文一 奏疏

卷二十一

藝文二 露布 文移 書

卷二十二

藝文三 序記 祭文

卷二十三

藝文四 賦 駢體 詩一

卷二十四

藝文五 詩二

卷二十五

藝文六 詩三

卷二十六

藝文七 詩四

臺灣府志

卷首

目錄

四

臺灣府志卷首目錄
卷首
四

地之有志自漢班孟堅始蓋將舉天文地理人事之
屬而備具焉特錄重矣故必有良史之筆繼紀事之
書庶幾博綜該洽而無憾然余竊疑前志之與內地
較難而創始之與纂脩又異似未可同日而語也邇
我

朝應運鼎興

神聖接武指揮萬國番已建旄設旆於禹貢職方之外然
未有遐荒窮島如閩之臺灣者蓋孤懸海外歷漢唐
宋元所未聞傳自明季天啓間方有倭奴荷蘭屯處
商販頗聚繼爲鄭成功遁驅流亡漸集數十年來不
過爲羣盜逋逃藪耳今

臺灣府志

卷首

舊序

上二十一年

特命靖海將軍侯施公率師討平之始入版圖置郡邑詢
其民陋於雕題黑齒問其俗猶是飲血茹毛旣無廢
興沿革之可稽亦安有聲名文物之足紀乎憶余自
筮仕蒼梧以來南浮江漢經西伯之化行北守覃懷
歷大禹之底績迨乎僉員藩臬周流齊魯禮義之邦
覽其山川風物其俗厚其民淳每歎古帝王流風之
遠而德教入人之深也閩在漢爲無諸封國已邇中
土若臺者素爲積水島嶼竊計流寓之外其民若育
之初視寐之初覺雖更數載猶是鴻濛渾沌之區耳

官斯地雖斯時必爲治道民生計豈不憂憂乎其難
之三十年平未大中丞卜公惠撫斯邦軫念臺灣要
地分臬重任非賢能締建者不可迺定例會薦臬
齊高公爲憲使再疏報可公以三十一年春持節往
蒞茲土時和年豐政行事舉不特維正之供悉遵賦
則而且俊秀之士咸登賢書甫三春竣政乎漸近中
土利且最矣州其所課郡志屬序餘讀之見其分
野畫疆辨若指掌文事武備靡不畢具既詳於政治
風俗奢儉緩急之故復究其於形勢阨塞封疆並據之
計而且田賦墳廬祖產以及山藪川浸男女畜
擾罔有或遺脫非殫精治道刻意民生者未克臻此
數十年後既富且教不幾爲海濱之鄒魯耶吾意後
之人頌其過化之神不讓文翁化蜀寧曰荒裔創始
不足與班孟堅並傳哉余不敏竊幸附名簡末故不
辭而爲之序

今天下車書大一統矣我

皇上仁德誕敷徙封萬里東西朔南莫不覆被顧臺灣最
爾土越在海外游氛餘孽蔚爲逋藪桀桀番黎茫然
不知有晦明日月沿海郡邑江浙閩粵傳烽舉燧多
歷年所我

好生如天以普天之下皆吾赤子奚忍獨遺二十一

年

特命靖海將軍施公率師討平郡縣其地設官置鎮星羅
碁布數年以來聲名文物駸駸乎與上國比隆夫有
疆土必有風俗有制度必有沿革海外兵燹之餘人
心未定耳目未開不爲搜羅廢墜纂輯典故使天下
觀者如身履其地而習其俗無以彰

聖天子一德同風之盛廣久道化成之治則亦守土者之
過也余自辛未春出守溫陵越明年謬叨兩臺薦剡
蒙

聖恩特用分巡茲土浮海駐節甚懼其難也目擊一方之
凋殘利何以興弊何以除學校何以振興政何以肅

臺灣府志

卷首 舊序

三

軍實何以備勤勤焉日進文武寮案求所以生遂安
集之道又何暇及於誌乘矧臺疆初闢百度草創遺
編故老湮沒無聞卽欲成書而無徵不信又孰從而
誌之於是者二年幸託

朝廷無外之威德兩臺漸被之深猷風雨以時番黎向
化文武和洽庶吏協恭政事之餘益得與父老子弟
諮詢採攬凡山川之險易水土之美惡物產之有無
風氣之同異習俗之淳薄遠自生番殊俗下及閭閻
纖悉每聞見有得輒心識而手編之溯始明李臺所
自有迄歸我

朝臺以肇造綱舉目張巨細必載有功必錄有美必書

公諸衆心以觀厥成斯誌也亦所以志也敢曰余之私言哉嗣是而稽水道者非以海市蜃樓誌怪也舟楫必由寓不逢不若之經焉考廢興者非以裸髮文身誌奇也絕域咸孚見莫不尊親之休焉覈人材問民俗者非以昔渾沌而今雕鑿也盛衰有自凜履霜臨谷之戒焉其與內地同者官吏兵民一歸於正其與內地異者剛柔燥濕各遂其天不寧惟是百爾君子薦桀協恭以綏靖爾百姓爾百姓公好公惡具有明徵凡吏斯土者思誌不朽毋貽後世譏將使海外之聲名文物目臻邛隆而重譯接踵羣知生聚教訓洋洋乎爲窮荒一大奧區則是書也未必不爲

官方之一助焉拱乾世受

國恩自惟才疎德薄今且秋滿奉

旨移補浙臬樂臺之巖巖與上國比隆也而斯誌適成倘聖天子輶軒下採詢及海隅斯誌遂得入奏以附大一統之末爲三代以來未有之盛事是亦微臣之志也夫若乃踵事增華是賴後之君子余不敏也又何敢專是爲序

重脩臺灣府志舊序

閩浙總督 策 楊 甯洲人

國家重熙累洽久道化成薄海蒼生蒸然共進於一道同風之治凡截竹扶桑之域占星問月之鄉莫不重譯梯航喁喁向化蓋自昔王者建中表正其埏紘之

廓至今日而彌綸無外矣臺灣附近閩南儼如屏障
非若不夜之城無雷之國列在墨鯽魚支之貢者也
然自宋元以前不登經傳至明季而後知有荷蘭屯
聚繼爲鄭逆逋逃數迫康熙癸亥始入版圖改隸郡
邑生聚教訓六十年來如易草昧之乾坤沐浴於化
日光天之下彬彬然成一衣冠文物之邦矣疆域之
沿革戶口之多寡制度之詳畧風俗之澆淳攷其志
乘脩於康熙乙亥迄今四十餘年不獨魯魚亥豕漸
次失傳而時異勢殊日新月盛匪加纂輯又何以信
今而傳後耶獨是脩志之難同於作史自昔爲然矣
史漢而下如廬陵之五代史簡遠澹宕可與涑水相

表裏而劉攽輩猶且譏之況於後之懷鉛握槧者乎
衡陽劉監司分巡茲郡詳請續脩志乘爰飭令其延
請宿儒網羅摭摭縷析條分八閩月而志成瞻而不
穢詳而有體本末備舉繁簡得宜犁然有合於三長
之旨他日輶軒所至採及海隅以昭

聖世輿圖之盛抑何幸歟雖然猶有進稽諸禹貢紀山川
貢賦封土而卒歸之於祇台德先不距朕命可見控
馭寰宇者在德不在險而敬者德之本也惟敬則勤
而庶事無叢脞之虞惟敬則和而同寅有協恭之美
以此爲忠信之長慈惠之師則山川安於奠定貢賦
樂於輸將封土維於不拔禹之錫圭告成此物此志

也繼自今官斯土者惕乎有顧畏民巖之意抑乎有涉冰履尾之思本此夙夜靖其以佐我

國家一道同風之化而孤懸海外者永永爲海濱之鄒魯也夫

福建巡撫王 恕 四川人

庚申之冬余撫閩之三月臺制使劉君以脩郡志告既明年秋七月書成來請序又五月始爲序之曰古者郡國計書上於蘭臺蓋卽後世地志之屬也周禮小史掌邦國之志外史掌四方之志司農謂邦國之志乃春秋傳所謂鄭志國語所謂鄭書康成謂四方之志若魯之春秋晉之乘楚之檮杌周官別山川分

臺灣府志

卷首 舊序

圻界條物產辨貢賦六卿分掌之而統於冢宰太史以六典逆邦國之治蓋志卽史也劉執中曰四方之志謂九州列國四海百蠻世系之所自出封建之所由興朝貢之斷續政教之遠從禮樂之興革俗尚之醜好若土均土訓誦訓之所職皆爲志以藏之若是則今之郡縣志古四方爲之濫觴也其事重矣臺僻在海島介於百蠻自入版圖以來

聖化淪浹風移俗易彬彬乎與諸夏埒非星槎瀛涯舊矣漢丞相張禹使屬潁川朱贛條其風俗而宣究之劉君之爲是書也蓋欲吏於臺者宣究其風俗而善爲治意良厚矣雖然治臺之法有七而所以挈要者一

興教化足積貯嚴保甲稽汛守東戍兵安客戶徠番
社此有司所謂法也實心以宣

上德虛衷以和文武多方以求民隱此吾所謂要也非法
不足以布政宜非要不足以操治本皆吏於臺者職
也其可勿朝夕思乎柳子厚曰凡吏於土者若知其
職乎蓋民之役非以役民而已也曾子固曰吏者惟
其無久居之心故謂之不可如其有久居之心奚不
可耶苟爲吏者以吾前所言者爲法而以後所言者
爲戒則鹿耳鯤身卽雉飛虎渡之區天風海潮皆和
樂熙皞之音矣是劉君爲志之意也至若體例筆法
之嚴敘述記載之雅卓然有合於古人可以上之太
臺灣府志

卷首 舊序

史儋圖經之采擇諸公序之詳矣茲不復贅云

閩浙總督喀爾吉善 滿洲人

自古史家撰述稱志爲難夫非獨作志之難也所志
者尤難作志者視其才而所志者視其地與其世人
物與時高下事跡隨代顯晦而撰述之隆污因之故
曰難也今天下車書大同各省及府概有志書煥焉
可述獨臺灣以一府數縣肇闢於溟濛芴昧之中垂
六十餘年而有志書二十五卷吏治民俗文教武畧
洞源竟委麟麟炳炳幾與中土埒而恢詭有過焉斯
以奇矣余以丁卯春奉

命開府閩中詢省風土適值是志告成得詳覽焉然後歎